

ЯЗЫЛЫВ
- 2022

“Районну яшаву” газетибизни гьюрметли охувчулары!
Бизин газетибизге 2022-нчи йылны экинчи яртысына редакциядан таба язылыв узатыла. Газетибизге язылмагъа гечигип къалгъанлар бар буса, редакциягъа гелип язылмагъа боласыз.



РАЙОННУ ЯШАВУ

АССАЛАМУ АЛЕЙКУМ!



БУДНИ РАЙОНА

◆ Къарабудагъгъент районну жумалыкъ жамият-сиясат газети. ◆ Газета выходит на кумыкском и русском языках.
◆ Карабудахкентская районная еженедельная общественно-политическая газета.

◆ № 27 (6664) Жумагюн, 15 июль (инныр) 2022-нчи йыл ◆ Пятница, 15 июля, 2022 год ◆ Газета издаётся с ноября 1951 года

Спикерни сапарына гёре

Гьасил чыгъарыв генгеш

Нурсагъадат ИЗАМУТДИНОВА

Июль айны 13-нде ДР-ни Башчысы Сергей Меликов Дагъыстангъа иш сапар булан Федерацияны Советини спикери Валентина Матвиенкону эки гюнге геливюню гьасиллерин чыгъарыв генгеш оьтгерген. Гьасил чыгъарыв генгешде сапарны барышында ачыкъ болгъан бир нече масъалалар арагъа салынып ойлашылгъан.

Генгешни биринчи масъаласы деп Избербаш шагъарда 2023-нчу йылгъа берилген бюджет заявкагъа гёре 300 койка ери булангъы больницы ишлемек учун гёрсетилмеге герекли харжлагъа къаралды.

Больница 2009-нчу йыл ишленме башлангъан, тек 2014-нчи йылдан берли шо иш токъталгъан. Объектни битдирмек учун тезликде тарыкъ чаралар гёрюлмеге гереги гъакъда С.Меликов къатты тапшурувлар берген.

Шо масъалагъа гёре Избербаш шагъарны башчысы Магъаммат Исаков, ДР-ни савлукъ сакълав министри Татьяна Беляева ва регионда къурулуш министрликни башчысы Артур Сулейманов ёлдашлар чыгып сёйлеген.

С.Меликов гъалны танкыт этип сёйлеген сонг, август айны 1-не къурулуш объекте жаваплы вице-премьер Мурад Казиевге масъаланы заманында чечмек учун мекенли чаралар гёрмекни бுவаргъан.

В.Матвиенко гётерген республика бюджетни пайдаландырыв масъалагъа гёре, ДР-ни Гьукуматыны Председателини биринчи орунбасары Руслан Алиев ДР-ни финанс ишлеге къарайгъан министрлигине гёрсетилген харжланы, телевлени, къурулгъан дыгъарланы гъакъында сёйлеген.

Оьзюню сёйлевюнде Р.Алиев ведомстволарда гёрсетилген харжланы пайдаландырма бажарылмай къалар деген къоркъув ёкъ экени гъакъда айтгъан.

Олай да, башгъа ведомстволаны бюджетни пайдаландырыву ва къолланыву



гъакъда вице-премьерлер Манвел Мажонц, Ризван Гъазимагъамматов, Мурат Казиев ва Муслим Телякавов гьисап берип сёйлеген.

Оьзлени сёйлевлеринде олар Къызлар шагъарда узакъ заман созулуп къурулагъан маданият оьсдюрюв Центрни масъаласыны уьстюнде айрыча токътагъан. Шо къурулушларда чыкъма герекли гёрсетилген акъча маялар къолланмай къалмакълыкъ да бары гъакъда айтгъан. Къурулуш ишлеге гёрсетилген 134 миллион манатны 25-и тюгюл пайдаландырылмагъан.

Арт вакъти субподрядчик алышынып, шо иш бираз чалтлашгъанында олар эсгерген. С.Меликов гёз алгъа тутул-

гъан иш заманында этилмегени саялы, гюнагълылар такъсыргъа тартылажыгъын генгешни ортакъчыларына англагъан.

Школаланы 2022-нчи йылда оьтгермеге герекли капитал ремонту гъакъда генгешде билим берив ва илму министри Ягъия Бучаев сёйлеген. Муниципалитетлеге капитал ремонтлар оьтгермек учун 1,6 миллиард манатдан да къолай акъча берилген.

Министрни сёзлерине гёре, 41 объектде капитал ремонт ишлер 70 процентге этилинип геле. 119 объектде ишлер этилмеге гёрсетилген графикден хыйлы артда къалып юрюй, демек 55 процентден де аз иш этилген.

Олай да, оьзюню сёйлевюнде Я.Бучаев 2024-2025-нчи йылларда школаланы капитал ремонт этмек учун муниципал къурулувланы башчылары заявка кагъызларын тюз ва заманында гъазирлеп бермеге герегин эсгерген.

ДР-ни Башчысы С.Меликов Шамил районда Хебда юртдагъы школа капитал ремонт программагъа къошулуву не канзиде экенин ахтаргъан. Школа 1959-нчу йыл къурулгъан, тезден берли эсгиленген. Школа капитал ремонт этилмеге гереги гъакъда ДР-ни Башчысы масъаланы гъалиден хыйлы алда гётерген болгъан. Тек гъалиге шо ишде алгъа барыв ёкъ.

Министр айтагъан кюйде, эсгерилген школагъа 2021-нчи йыл документлери тюз къурулмагъаны саялы, федерал бюджетден субсидия акъчалар гёрсетмеге бажарылмагъан.

Масъалагъа гёре С.Меликов тезликде алгъасавлу чаралар гёрмеге жаваплы къуллукъчулагъа тапшургъан.

Генгешни барышында къаралгъан яшавлукъ-коммунал объектлени гюз-къышлыкъ сезонгъа гъазирленив масъала гъакъда ДР-ни Гьукуматыны Председателини Биринчи орунбасары Манвел Мажонц сёйлеген.

Ол айтагъан кюйде, ДР-ни Башчысыны тапшурувуна гёре ЖКХ объектлени гюз-къыш замангъа гъазирлик гёрмек учун Республика штаб къурулгъан.

Оьзюню сёйлевюнде вице-премьер этилген ва этилмеге гёз алгъа туулгъан ишлени гъакъында айтгъан. Олай да, Дагъыстанда биринчи Гюн электростанция ачылгъанын да эсгерген. Янгы станция Ставрополь крайдан Дагъыстангъа гелеген электрик токну кемитип, Ногай, Тарумов районлагъа, Южно-Сухокумск шагъаргъа электрик токну бакъдырма болажыгъын англагъан. Июль айны 11-нде ачылгъан станцияда 40 минг гюн модуль бар. Станцияны кёмеги булан гъар йыл айланагъа яйылагъан углекислый газ 7 минг тонгъа кемижек.

Шолай станция Ногай районда да къурма гёз алгъа тутулгъан. Генгешни ишин тамамлай туруп, С.Меликов: «Барыбызны да Гюн электростанцияны ачылыву булан къутлайман. Бизин шо проектибизни Россияны Президентни ва Гьукуматы ариг гёрдю ва якълады», - деген.

